

T 3145/2232.83

5

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
DEC 12 1939

周州志卷之七上

哈佛大學漢和  
圖書館珍藏印

人物

宦蹟 儒行 義烈 義行 孝子 文苑

隱逸 飲賓 游寓 方伎 仙釋

禹郡山川盤迴風土清淑磅薄鬱積著為偉人炳如  
日星昭若雲漢後先接踵光耀史冊而或姓氏不彰  
者又不知凡幾矣夫地氣厚則習俗善禹人簡重好  
義多長者風其婦女尚節概今猶古也表錄可弗詳

與志人物

官蹟

周

張開地櫟邑人韓相

張平櫟人開地子相韓二世卒墓城南三峯山之首  
韓非者韓之諸公子也喜刑名法術之學而其歸本  
於黃老非爲人口吃不能道說而善著書與李斯俱  
事荀卿斯自以爲不如非非見韓之削弱數以書見  
韓王韓王不能用於是非疾治國不務修明其法  
制執勢以御其臣下富國強兵而以求人任賢反舉

浮滯之蠹而加之於功實之上以爲儒者用文亂法  
而俠者以武犯禁寬則寵名譽之人急則用介冑之  
士今者所養非所用所用非所養悲廉直不容於邪  
枉之臣觀往者得失之變故作孤憤五蠹內外儲說  
林說難十餘萬言人或傳其書至秦秦王見其書歎  
曰嗟呼寡人得見此人與之遊死不恨矣李斯曰此  
韓非之所著書也秦因急攻韓韓王始不用非及急  
乃遣非使秦秦王說之未信用李斯姚賈害之毀之  
曰韓非韓之諸公子也今王欲并諸侯非終爲韓不

爲秦此人之情也今王不用久留而歸之此自遺患也不如以過法誅之秦王以爲朕下吏治非李斯使人遺非藥使自殺韓非欲自陳不得見秦王後悔之使人赦之非已死矣

呂不韋陽翟大賈也秦昭王四十年安國君爲太子有子二十餘人所甚愛姬立以爲正夫人號曰華陽夫人無子中男名子楚質於趙秦數攻趙趙不甚理子楚車乘進用不饒居處困不得意不韋賈邯鄲見而憐之曰此竒貨可居乃往見子楚曰韋能大子之

門子楚笑曰且自大君之門不韋曰吾門待子門而大子楚心知所謂引與深語不韋曰秦王老矣安國君得爲太子竊聞所愛幸華陽夫人無子能立嫡嗣者獨華陽夫人耳今子兄弟二十餘人子又居中不甚見幸卽大王薨安國君立爲王則子無幾得與長子及諸子在前者爭爲太子矣子楚曰朕爲之奈何不韋曰子貧客於此非有以奉獻於親及結賓客也請以千金爲子西遊事安國君及華陽夫人立子爲嫡嗣子楚頓首曰必如君策請得分秦國與君共之

不常乃以五百金與子楚爲進用結賓客復以五百金買竒物玩好自奉而遊秦求見華陽夫人姊以其物獻華陽夫人因言子楚賢智結諸侯客遍天下常曰楚也以夫人爲天日夜泣思太子及夫人夫人大喜不常因使其姊說夫人曰以色列事人者色衰而愛弛今夫人事太子甚愛而無子不以此時蚤自結於諸子中賢孝者舉立以爲嫡而子之後雖欲開一言尚可得乎今子楚賢而自知中男也次不得爲嫡自附夫人夫人誠以此時拔以爲嫡則竟世有寵於秦矣華陽夫人以爲朕承太子間從容言子楚賢因涕泣曰妾不幸無子願得子楚立爲嫡嗣以托妾身安國君許之乃與夫人厚饋遺子楚而請不常傅之不常取邯鄲諸姬善舞者與居知有身子楚見而說之因爲壽請之不常欲以鈞竒遂獻其姬姬自匿有身至大期時生子政遂立以爲夫人秦昭王使王齮圍邯鄲子楚與不常謀行金六百斤予守者吏亡赴秦軍得歸秦子楚夫人母子以匿得活秦昭王薨安國君立爲王華陽夫人爲王后子楚爲太子趙亦奉子

萬州志  
楚夫人及子政歸秦秦王立一年薨子楚代立是為  
莊襄王以不韋為丞相封為文信侯食河南洛陽十  
萬戶莊襄王卽位三年薨子政立為王尊不韋為相  
國號稱仲父當是時信陵春申輩皆喜賓客以相傾  
不韋羞不如亦招致士厚遇之至食客三千人乃使  
著所聞集論以為八覽六論十二紀二十餘萬言號  
曰呂氏春秋布咸陽市門有能增損一字者予千金  
秦王十年十月免不韋就國河南歲餘賜文信侯書  
曰君何功於秦食洛陽十萬戶何親於秦號稱仲父  
其與家屬徙處蜀不韋恐誅飲酖而死 詳見史記

西漢

張良字子房韓人也大父開地相韓昭侯宣惠王襄  
哀王父平相釐王悼惠王二十三年平卒卒二十歲  
秦滅韓良年少未宦事韓韓破良悉以家財求客刺  
秦王為韓報讐以大父父五世相韓故也良嘗學禮  
淮陽東見滄海君得力士為鐵椎重百二十斤秦皇  
帝東遊良與客狙擊秦皇帝博浪沙中誤中副車秦  
皇帝大怒大索天下良乃更名姓亡匿下邳嘗從容

步遊下邳圯上有老父衣褐至良所直墮其履圯下  
顧謂良曰孺子下取履良下取履父曰履我良長跪  
履之父以足受笑曰孺子可教矣後五日平明與我  
會此良跪曰諾五日平明往父已先在怒曰與老人  
期後何也去曰後五日早會五日雞鳴良往父又先  
在復怒曰後何也去曰後五日復早來五日良夜未  
半往有傾父亦來喜曰當如是出一編書曰讀此則  
爲王者師矣後十年興十三年孺子見我濟北穀城  
山下黃石卽我矣遂去不復見旦日視其書乃太公

兵法常習誦讀之居下邳爲任俠項伯嘗殺人從良  
匿後十年陳涉等起兵良亦聚少年百餘人景駒自  
立爲楚假王在留欲往從之道遇沛公將數千人畧  
地下邳西遂屬焉沛公拜爲癘將良數以太公兵法  
說沛公沛公善之良曰沛公殆天授故遂從之及沛  
公之薛見項梁項梁立楚懷王良乃說項梁曰君已  
立楚後韓諸公子橫陽君成賢可立爲王益樹黨項  
梁使良求韓成立以爲韓王以良爲韓司徒與韓王  
將千餘人西畧韓地秦輒復取之往來爲游兵潁川

沛公之從洛陽南出轅轅良引兵從沛公下韓十餘城沛公乃令韓王成畱守陽翟與良俱南攻下宛西入武關沛公欲以兵擊秦嶢下軍良曰秦兵尚強未可輕臣聞其將屠者子易動以利願沛公且畱壁使人張旗幟諸山上爲疑兵令酈食其持重寶啗秦將秦將果畔欲連和沛公欲聽之良曰此獨其將欲畔耳恐士卒不從不如因其解擊之沛公乃引兵擊秦軍大破之遂至咸陽秦王子嬰降沛公沛公入秦宮宮室帷帳狗馬重寶婦女以千數欲畱居之樊噲諫沛公出舍沛公不聽良曰秦爲無道故沛公得至此今始入秦卽安其樂所謂助桀爲虐也願沛公聽噲言沛公乃還軍霸上項羽至鴻門下欲擊沛公項伯乃夜馳入沛公軍私見張良欲與俱去良具以語沛公沛公大驚曰爲將奈何良曰沛公誠欲倍項羽邪沛公曰鯁生教我無內諸侯秦地可盡王故聽之良曰沛公自度能却項羽乎沛公默然良久曰固不能也今爲奈何良乃固要項伯見沛公沛公與飲爲壽結賓婚令項伯具言沛公不敢倍項羽所以距關者



備他盜也及見項羽後解漢元年正月沛公爲漢王  
王巴蜀令良厚遺項伯使請漢中地項王乃許之漢  
王之國良送至褒中遣良歸韓良因說漢王燒絕所  
過棧道良至韓韓王成以良從漢王故項王不遣之  
國從與俱東良說項王曰漢王燒絕棧道無還心矣  
乃以齊王田榮反書告項王項王以此無西憂漢心  
而發兵北擊齊乃以韓王爲侯又殺之良亡歸漢漢  
王已還定三秦矣以良爲成信侯從東擊楚至彭城  
漢敗而還至下邑漢王下馬踞鞍而問曰吾欲捐關  
以東等棄之誰可以共功者良曰九江王黥布與項  
王有郟彭越與田榮反梁地此兩人可急使漢王之  
將獨韓信可當一面捐之此三人則楚可破也漢王  
乃遣隨何說九江王布而使人連彭越及魏王豹反  
使韓信將兵擊之因舉燕代齊趙卒破楚者此三人  
力也張良多病未嘗特將爲畫策臣時時從漢王漢  
三年項羽急圍漢王滎陽漢王恐與酈食其謀撓楚  
權食其請復立六國漢王曰善趣刻印張良從外來  
漢王方食具以酈生語告良請借前箸籌其不可者

八漢王輟食吐哺罵曰豎儒幾敗而公事令趣銷印  
漢四年韓信破齊欲自立為齊王漢王怒張良說漢  
王漢王使良授齊王信印秋漢王追楚至陽夏南戰  
不利而壁固陵諸侯期不至良說漢王漢王用其計  
諸侯皆至卒滅楚漢六年正月封功臣高祖曰運籌  
帷幄之中決勝千里外子房功也自擇齊三萬戶良  
曰臣始起下邳與上會留願封留足矣不敢當三萬  
戶乃封為留侯六年上已大封功臣二十餘人其餘  
日夜爭功不決上在洛陽南宮從複道望見諸侯坐  
沙中語上曰此何語留侯曰此謀反耳上曰天下屬  
安定何故反乎留侯曰陛下以此屬取天下令軍吏  
計功以天下不足徧封恐又見疑平生過失故相聚  
謀反耳上憂曰為之奈何留侯曰上平生所憎誰最  
甚者上曰雍齒留侯曰今先封雍齒以示群臣則人  
人自堅矣上乃置酒封雍齒為什方侯群臣皆喜曰  
雍齒尚為侯我屬無患矣劉敬說高帝都關中上疑  
之左右大臣皆山東人多勸上都雒陽留侯曰雒陽  
四面受敵非用武之國也關中左殽函右隴蜀沃野

千里天府之國也劉敬說是高帝即日駕西都關中  
番侯從入關性多病導引不食穀杜門不出歲餘上  
欲廢太子立戚夫人子趙王如意吕后恐不知所爲  
或謂吕后曰番侯善畫計策上信用之吕后乃使建  
成侯吕澤強要之曰爲我畫計番侯曰此難以口舌  
争也顧上有不能致者四人四人者年老矣爲上慢  
侮人義不爲漢臣狀上高此四人今公令太子爲書  
固請宜來來以爲客時時從入朝則一助也於是吕  
后使吕澤令人奉太子書卑辭厚禮迎此四人客建  
成侯所漢十一年黥布反上病欲使太子將兵擊之  
四人乃說建成侯夜見吕后告之吕后承間爲上涕  
泣言如四人指上曰吾惟望子固不足遣而公自行  
耳於是上自將兵而東令太子監關中兵使番侯爲  
太子少傅漢十二年上從擊破布軍歸疾益甚愈欲  
易太子番侯諫不聽因疾不視事及燕置酒太子侍  
四人從年皆八十餘上怪問之四人各言姓名上大  
驚曰吾求公數歲公避我何自從吾兒遊四人皆曰  
陛下輕士善罵臣等義不受辱故亡匿太子爲人仁

孝恭敬愛士故臣等來耳上曰煩公幸卒調護太子  
四人爲壽已畢趣去上目送之召戚夫人指示四人  
者曰我欲易之彼四人輔之羽翼已成難動矣竟不  
易太子者留侯本招此四人之力也留侯嘗自謂審世  
相韓韓滅不愛萬金之資爲韓報讐今以三寸舌爲  
帝者師封萬戶位列侯此布衣之極於良足矣願棄  
人間事欲從赤松子遊耳乃學辟穀道引輕身高帝  
崩呂后德留侯強食之留侯不得已強聽而食後八  
年卒謚爲文成侯子不疑代侯子房始見圯上老父

與太公書者後十三年從高祖過濟北果見穀城山  
下黃石取而葆祀之留侯死并葬黃石冢每上冢祠

黃石留侯不疑孝文帝五年國除

詳見史記

晁錯潁川人也以文學爲太常掌故文帝時天下無  
治尚書者獨聞濟南伏生故秦博士治尚書年九十  
餘老不可徵乃詔遣錯受尚書伏生所還因上書稱  
說詔以爲太子舍人門大夫遷博士又以上書拜太  
子家令以其辯得幸太子太子家號曰智囊以對策  
高第遷中大夫錯又言宜削諸侯事及法令可更定

者凡三十篇文帝雖不盡聽朕竒其才當是時太子善錯竒策袁盎諸大功臣多不好錯景帝卽位以錯爲內史錯數請問言事輒聽寵幸傾九卿法令多所更定遷爲御史大夫請諸侯之罪過收其支郡奏上上令公卿列侯宗室集議莫敢難獨竇嬰爭之由此與錯有隙吳楚七國反皆以誅錯爲名竇嬰袁盎進說上令錯衣朝衣斬東市詳見本傳

賈山潁川人受學祖父祛所言涉獵書記常給事潁陰爲騎孝文時上書言治亂之道借秦爲喻名曰至言文多不錄

原涉字巨先祖父武帝時以豪傑自陽翟徙茂陵趙廣漢傳云大姓原褚宗族橫恣是也涉父哀帝時爲南陽太守天下殷富大郡二千石死官賦歛送葬皆千萬以上妻子通共受之以定產業時又少行三年喪者及涉父死讓還南陽賻送行喪家廬三年繇是顯名京師禮畢舉能治劇爲谷口令谷口聞其名不言而治詳見漢書

韓千秋潁川人故濟南相奮擊南越戰死武帝封子

延年為成安侯

疆華潁川人光武至鄗帝先在長安時同舍生疆華自閔中奉赤伏符至乃命有司設壇場即皇帝位

隱暹潁川人為徐州刺史以小銅釜餽十日一炊

鍾元陽翟人哀帝時為尚書令領廷尉

東漢

郭宏潁川陽翟人習小杜律太守寇恂以為決曹用法平郡內比之東海于公年九十五卒

郭躬字仲孫宏子少傳父業講受徒眾常數百人後

為郡吏辟公府永平中以明法律名議騎都尉秦彭擅斬及中常侍孫章宣詔誤不當深罪帝皆善之選

廷尉正元和三年拜廷尉永元六年卒於官

詳見漢書

郭晔躬子亦明法律至南陽太守

郭鎮字桓鍾躬弟子少修家業辟太尉府再遷延光中為尚書率羽林士擊殺衛尉閻景以成大功再遷尚書令太傅三公奏鎮功比劉章封為定潁侯食邑

二千戶拜河南尹轉廷尉免永建四年卒於家詔賜冢塋地順帝追思鎮功謚曰昭武侯

郭賀鎮長子當嗣爵讓於小弟時逝去積數年詔下州郡追之乃出受封累遷復至廷尉及賀卒謚曰成侯

郭禎賀弟亦以能法律至廷尉

郭儔鎮弟子少明習家業兼好儒學有名譽延熹中

亦為廷尉建寧二年代劉寵為太尉

郭鴻儔子至司隸校尉封城安鄉侯郭氏自躬後數

世皆傳法律子孫至公者一人廷尉七人侯者三人

刺史二千石侍中郎將者二十餘人侍御史正監平

者甚衆

薛况陽翟人以俠稱 見漢書

韓馥字文節潁川人以尚書為冀州牧起兵討董卓

李修潁川人樊儵弟子後位至三公 見漢書

劉德升字君嗣潁川人始作行書即正書之小變務

從簡易相間流行故曰行鍾繇謂之行稗文瓌珞篆

亦德升觀星象而作

劉勝字季陵潁川人為蜀郡太守去官在家閉門却

掃歲時致敬郡縣答問而已無所干及太守王昱語

陽城杜密曰間得京師書公卿舉故大臣劉季陵高士也當急見徵

唐珍潁川人仕靈帝以太常爲司空

張咨字子議潁川人獻帝時爲南陽太守長沙太守孫堅至南陽咨不給軍糧又不肯見堅以計斬之

李鴻潁川人爲安定太守辟李恂署功曹會鴻卒送

鴻喪還鄉里旣葬畱起冢墳持喪三年

見通志

趙儼字伯朕陽翟人避亂荊州曹操辟朗陵長息威並著時汝南盜出郡縣多應之陽安都尉李通急錄

戶調以徵綿絹儼以書與荀彧卽白操以綿絹還民

上下勸善郡內遂平魏建國累官至司空封都鄉侯

薨謚曰穆子亭嗣

戲志才潁川人荀彧以智策舉之爲魏太祖籌畫士

郭嘉字奉孝陽翟人少有遠量深通籌畧達於事情

漢末天下將亂自弱冠匿名迹密交結英雋不與俗

輦接時人多莫知達者竒之年二十七辟司徒府初

北見袁紹謂紹謀臣辛評郭圖曰夫智者審於量主

故百舉百全而功名可立也袁公徒欲效周公之下



士而不知用人之機多端寡要好謀無決欲與共濟  
大難定霸王之業難矣於是遂去之先是時潁川戲  
志才籌畫士也太祖甚器之早卒太祖與荀彧書曰  
自志才亡後莫可與計事者汝潁固多奇士誰可以  
繼之者或薦嘉名見論天下事太祖曰使孤成大業  
者必此人也嘉出亦曰真吾主也表爲司空軍祭酒  
屢出奇謀征伐有功封洧陽亭侯年三十八卒謚曰  
貞侯

郭奕嘉子爲太子文學早卒子深嗣深卒子獵嗣

郭獵深子奕孫有才識位散騎常侍

郭圖字公則潁川人袁紹在河東圖說紹迎天子都  
鄴紹不從

馮熙潁川人

劉庾潁川人年十歲戲於講堂上司馬德操拊其頭  
曰孺子黃中通理寧自知不文帝卽王位爲侍中賜  
爵關內侯

郭元信陽翟人爲謁者奉使至渤海南皮求人爲御  
司法以石苞及鄧艾給之行十餘里元信謂二人曰

子後並當至卿相後果如其言詳見通志

魏

辛毘字佐治陽翟人佐魏太祖破袁譚袁尚袁熙爲  
議郎文帝踐祚遷侍中賜爵關內侯時議改正朔毘  
以夏數爲得天正何必期於相反帝善而從之帝欲  
徙冀州士家十萬戶實河南時連蝗民饑群司以爲  
不可而帝意甚盛毘與朝臣俱求見帝知其欲諫作  
色以見之皆莫敢言毘曰陛下欲徙士家其計安在  
帝曰卿謂我徙之非耶毘曰誠以爲非也帝曰吾不  
與議也曰陛下不以臣不肖置之左右廁之謀議之  
官安得不與臣議耶臣所言非私也乃社稷之慮也  
帝安得怒臣帝不答起入內毘隨而引其裾帝奮衣  
不還良久乃出曰佐治卿持我何太急耶毘曰今徙  
旣失民心又無以食也帝遂徙其半上軍大將軍曹  
真征朱肱於江陵毘行軍師還封廣平亭侯帝欲大  
興軍征吳毘諫甚切直帝竟伐吳果至江而還明帝  
卽位進封潁鄉侯時中書監令劉放孫資見信於主  
大臣莫不交好而毘不與往來子敞諫曰今劉孫用

事大人宜小降意不朕必有謗言毘正色曰就與劉孫不平不過令不作三公而已何危害之有焉有大丈夫欲爲公而毀其高節者邪不從僕射畢軌表言毘宜代王思爲尚書僕射帝以訪放資對曰毘實亮直朕性剛而專遂不用出爲衛尉帝方修殿舍百姓勞役毘上書諫之帝又欲平北部令於其上作臺觀則見孟津毘諫曰天地之性高高下下今而反之旣非其理若九河盈溢洪水爲害卽陵皆夷何以禦之乃止青龍二年諸葛亮率衆出渭南先是大將軍司馬懿數請與亮戰明帝終不聽是歲恐不禁乃以毘爲大將軍軍師使持節六軍皆準節度亮卒復還爲衛尉薨謚曰肅子敞咸熙中爲河南太守

晉

褚碧太傅哀之祖有局量以幹用稱嘗爲縣吏事不合令欲鞭之碧曰物有所施榱椽之材不可以爲藩落也願明府垂察乃舍之家貧辭吏年垂五十羊祜與碧有舊言於武帝始被升用官至安東將軍褚熹字謀遠大傅哀之從父兄也父願少知名早卒

高州志  
裴以才藝楨幹稱襲爵閔內侯補冠軍參軍於是長  
沙王又擅權成都河間阻兵於外裴知內難方作乃  
棄官避地幽州後河北有寇難復還鄉里河南尹舉  
裴行本縣事及天下鼎沸招合同志將圖過江先移  
住陽城界明年謀東下道阻不得進因留密縣司隸  
校尉荀組以爲叅軍廣武將軍復領本縣督新城梁  
陽城三郡諸營事項之遷司隸司馬建興中組舉裴  
爲吏部郎不應召東渡江元帝爲晉王以裴爲散騎  
郎轉太子中庶子出爲奮武將軍在南內史永昌初  
王敦構逆征西將軍戴若思命裴出軍赴難裴遣將  
領五百人從之明帝卽位徵拜屯騎校尉遷太子左  
衛率成帝初爲左衛將軍蘇峻之役以裴爲侍中典  
征討軍事旣而王師敗績帝登太極前殿司徒王導  
升御床抱帝裴及鍾雅劉超侍立左右時百官奔散  
峻兵入叱裴令下裴正立不動呵之曰蘓將軍來覲  
至尊軍人豈得侵逼由是軍士不敢上殿及峻執政  
猶以爲侍中從乘輿幸石頭明年與光祿大夫陸曄  
等出據苑城蘓逸任讓圍之裴等固守賊平以功封

長平縣伯遷丹陽尹甚有惠政尋爲領軍徙五兵尚書加奉車都尉遷尚書左僕射加散騎常侍代何充爲護軍將軍咸康七年卒贈衛將軍謚曰穆子希官至豫章太守

褚裒字季野陽翟人瑛之從弟也父洽武昌太守裒少有簡貴之風與殷浩杜乂皆以識度清遠善談老易擅名江東桓彝嘗謂裒曰季野有皮裏春秋言其外無臧否而內有褒貶也謝安亦曰裒雖不言而四時之氣已備矣永和五年上表請伐趙自彭城之捷朝野皆以爲中原指期可復仕終鎮北將軍卒年四十七遠近嗟悼吏士哀慕之贈侍中太傅本官如故謚曰元穆子歆字幼安以學行知名歷散騎常侍

褚爽字宏茂

小字期生恭思皇后父也祖裒父

歆爽少有令稱謝安甚重之嘗曰若期生不佳我不復論士矣爲義興太守早卒以后父追贈金紫光祿大夫爽子秀之澹之裕之

晉書作

義熙中並歷大官

見晉書

北魏

辛謨衛尉辛毘之後潁川人有文學歷盜兵校尉漢陽上党郡太守卒贈征虜將軍梁州刺史

南北朝

宋

褚秀之爽子字長倩歷大司馬瑯琊王從事中郎黃門侍郎武帝鎮西長史遷侍中出補大司馬右司馬秀之妹晉恭帝后也恭帝卽位爲禮部尚書宋受命徙太常元嘉初卒於官

褚澹之字仲原秀之弟也亦歷顯官爲武帝車騎從事中郎尚書吏部郎廷尉卿左衛將軍宋受命爲侍中澹之兄弟並盡忠事武帝乃用澹之爲會稽太守景平二年富陽孫氏聚合門宗反孫法先自號冠軍大將軍與道慶等攻沒縣邑遙以鄮令司馬文宣爲征西大將軍直攻山陰澹之自假陵江將軍身率所領出次近郊與衆合力大破賊於柯亭謚曰質

詳通志

帝車騎叅軍

褚湛之哀三世孫仕宋爲尚書左僕射尚武帝安哀  
公主南史

褚淵哀四世孫湛之之子尚宋文帝南郡獻公主淵  
少有清譽父卒財寶悉與諸弟惟取書數千卷仕宋  
及南齊累官尚書令侍中及卒家無餘財子蕢從父  
弟焯並有時名詳南史

褚蕢字蔚光歷宦侍中父淵薨服闋見世祖流涕不  
自勝上嘉之以爲侍中領步兵校尉左民尚書散騎  
常侍秘書監不拜六年上表稱疾讓封與弟蕢世以  
爲蕢恨淵失節於宋故不復仕永明七年卒

褚澄字彥道陽翟人宋武帝之甥尚文帝廬江公主  
湛之之次子淵之弟也仕宋自駙馬都尉遍歷清顯  
仕齊至侍中領右將軍永明元年卒東昏侯立其女  
爲皇后追贈金紫光祿大夫澄傳楊淳秘方精於醫  
能治奇疾卒後有褚氏遺書一卷傳於世詳南齊史  
褚球字仲寶翔族父宋散騎常侍裕之玄孫也祖曖  
太宰叅軍父續太子舍人球少孤貧篤志好學有才  
思仕齊爲溧陽令在縣清白資公奉而已仕梁歷都

官尚書通直散騎常侍秘書監領著作司徒右長史  
常侍著作如故後爲光祿大夫加給事中卒

詳通志

魏

奚康生陽翟人其先代人也本姓達奚世爲部落大  
人祖真柔元鎮將內外三都大官賜爵長進侯卒贈  
幽州刺史謚曰簡康生少曉勇有武藝彎弓十石矢  
異常箭爲時所服景和初蠕蠕頽寇康生爲宗于隊  
主從駕征鍾離駕旋濟淮五將未渡齊遣將據渚邀  
斷津路康生應募縛筏積柴因風放火依烟直進飛

刀亂斫投河溺死者甚衆遂假直閣將軍後以勲除  
太子三校西臺直吐京胡反康生爲軍主從章武王  
彬討之率精騎一千追胡至車深谷胡遂奔北因俘  
其半牛羊馬以萬數齊將裴叔業率衆圍渦陽帝遣  
康生馳往一戰大破之壽陽來降詔遣康生領羽林  
千人給龍廐馬萬匹馳赴之破走其將桓和陳伯文  
以功除征虜將軍封安武縣男出爲南青州刺史後  
梁郁州軍主徐濟寇邊遣康生破擒之後梁遣都督  
臨川蕭宏勒甲十萬規寇徐州詔授康生武衛將軍



一戰而破還京帝召見宴會賜驂騑啣胡馬一匹出  
爲華州刺史頗有聲績轉涇州刺史以輒用官炭瓦  
爲御史所劾復除相州刺史徵拜光祿勳領右衛將  
軍與元乂同謀廢靈太后遷撫軍大將軍河南大尹  
正光二年二月明帝朝靈太后於西林園明帝侍坐  
酒酣迭儻次至康生乃爲力士儻每顧視太后爲殺  
縛之勢太后解其意援帝臂下堂而去康生大呼唱  
萬歲奪其子刀斫直後之衆捕乃得定明帝晚上殿  
康生爲乂所執鎖於門下至曉乂不出令侍中黃門  
僕射尚書等十餘人就康生所訊其事處康生斬刑  
及太后反政贈都督冀瀛滄三州諸軍事驃騎大將  
軍司空冀州刺史謚曰武貞乂又進封壽張縣侯子剛  
襲

梁

褚翔字世舉陽翟人曾祖淵齊太祖佐命功臣祖綦  
贈太常父向字景政仕梁卒於北中郎廬陵王長史翔  
初爲國子生舉高第累遷宣城王主簿中大通五年  
武帝晏群臣樂遊苑別詔翔與王訓爲二十韻詩限

三刻成翔於坐立奏帝異焉即日轉宣城王文學俄  
遷友出爲義興太守翔在政潔已省繁苛去浮費百  
姓安之及秩滿吏民詣闕請留勅許焉尋徵爲吏部  
郎百姓無老少追送出境涕泣拜辭翔居少選公清  
不爲請屬易意號爲平允遷侍中太清二年遷守吏  
部尚書侯景圍宮城翔於圍內丁母憂以毀卒詳通志

周

褚該字孝通陽翟人父義昌梁鄱陽王中記室該幼  
而謹厚尤善醫術仕梁歷武陵王府參軍隨府西上  
後與蕭撫同歸周天和初位縣伯下大夫進授車騎  
大將軍儀同三司該性謙和不自矜尚但有請之者  
皆爲進其藝術時論稱其長者以疾卒子則亦傳其  
家業

陳

褚玠字溫理陽翟人祖灃字士洋仕梁爲曲阿令歷  
晉安王中錄事正貞郎烏程令太尉屬延陵令中書  
侍郎太子率更令御史中丞湘東王府諮議參軍卒  
灃之爲縣令清慎可紀好學解音律重賓客雅爲湘

東王所親愛溥生蒙蒙位太子舍人蒙生玠玠九歲而孤為叔父驃騎從事中郎隨所養早有令譽先達多以才器許之及長美風儀善占對博學能屬文起家王府記室天嘉中兼通直散騎常侍聘齊還遷中書侍郎大建中山陰縣多豪猾前後令皆以職污免宣帝用蔡景歷言除玠戎昭將軍山陰令搜括縣縣人張次的王休達等隱沒軍人八百餘戶時舍人曹義達為宣帝所寵縣人陳信家富誦事義達父顯文持勢橫暴玠乃遣使執顯文鞭之一百於是吏民股慄莫敢犯者帝手勅慰勞後為義達所譖坐免官玠在任歲餘守祿俸而已去官之日不堪自致因畱縣境種蔬菜以自給皇太子知玠無還裝手書賜米二百斛於是勅還都太子愛其文辟令入直殿省掌東宮管記遷御史中丞卒皇太子親制誌銘以表其舊至德二年贈秘書監子亮位尚書殿中侍郎

詳陳書

唐

郭孝恪陽翟人少有奇節不治資產父兄以為無賴隋亂率少年數百附李密密曰世言汝穎多奇士不

謬也使與李勣守黎陽密敗勣遣孝恪送款封陽翟  
郡公拜宋州刺史與李勣經畧武牢以東嘗遣衆進  
策平王世充竇建德其畧曰世充窮蹙將面縛竇  
建德遠來助之此天欲兩亡之也若固守武牢以軍  
汜水不過二旬兩主就縛矣秦王朕之賊遂平以功  
遷上柱國崑邱道副大總管討龜茲國與子待詔俱  
戰没子待詔待封皆將軍

詳唐書

褚亮字希聞杭州錢塘人曾祖湮父玠出自陽翟皆  
有名梁陳間亮少驚敏圖史一經目輒誌始事隋後  
爲薛舉黃門侍郎舉滅秦王授王府文學王每征伐  
嘗預秘謀貞觀中累遷散騎常侍封陽翟縣侯子遂  
良從征高麗太宗詔亮曰想君不惜一子於朕耳善  
居加食及寢疾帝遣醫中使候問卒年八十八贈太  
常卿陪葬昭陵謚曰康

褚遂良字登善通直散騎常侍亮子貞觀中由鎧曹  
叅軍遷起居郎博涉文史工隸楷帝嘆虞世南死無  
與論書者魏徵白見遂良帝令侍書十五年帝將封  
泰山有星變遂良諫曰陛下方告成岱宗而彗輒見

此天意有所未合帝遂罷封禪遷諫議大夫兼知起居事帝嘗欲自觀起居記遂良言史記善惡戒人主不爲非法未聞天子自觀史也帝曰朕有不善卿必記耶對曰守道不如守官臣職載筆君舉必書是時魏王泰禮秩如嫡遂良言太子諸王宜有定分帝遂令王府官不得過四考帝曰舜造漆器禹雕其俎諫者十餘不止何也對曰奢靡之始危亡之漸也漆器不止必以金玉爲之諫者救其源不使得開及夫橫流則無復事矣帝咨美之太子承乾廢魏王泰間侍帝許立爲嗣因謂大臣曰泰云臣今日始得爲陛下子臣惟有一子百年後當殺之傳國晉王遂良曰安有爲天下主而殺其愛子授國晉王乎今若必立泰非別置晉王不可帝詔長孫無忌房玄齡李勣與遂良等定策立晉王爲皇太子時飛雉數集宮中帝問是何祥也遂良爲帝言其故帝悅曰人之立身不可以無學遂良所謂多識君子哉俄授太子賓客薛延陀請婚帝已納其聘復絕之遂良諫不納帝欲自討遼東遂良固勸無行一不勝師必再興再興爲忿兵

忿兵者勝負不可必帝朕之會李勣詆其計帝意遂  
決東遂良復上言遼左荒漫決非萬乘六師所宜行  
是時帝銳意蕩平不見省進黃門侍郎叅綜朝政莫  
離支遣使貢金遂良言不臣之筐不容受詔可以其  
使屬吏帝於寢宮側別置院居太子遂良諫以爲朋  
友深交者易怨父子滯愛者多愆宜許太子間還東  
宮近師傅專學藝以廣懿德帝從其言會父喪免起  
復拜中書令帝寢疾與長孫無忌同受顧命高宗卽  
位封河南縣公進郡公復拜吏部尚書同中書門下

三品監修國史兼太子賓客進拜尚書右僕射帝將  
立武昭儀名長孫無忌李勣于志寧及遂良入或謂  
無忌當先諫遂良曰太尉國元舅有不如意使上有  
棄親之譏又謂勣上所重當進曰不可司空國元勳  
有不如意上有斥功臣之嫌吾奉遺詔若不盡愚無  
以下見先帝旣入帝曰罪莫大於絕嗣皇后無子今  
欲立昭儀謂何遂良曰皇后本名家奉侍先帝先帝  
疾執陛下手語臣曰我兒與婦今付卿且德音在陛  
下耳可遽忘之皇后無他過不可廢帝不悅翌日復

言對曰陛下必欲改立后者請更擇貴姓昭儀昔事先帝身接幃幄今立之奈天下耳目何帝羞默遂良因致笏殿階叩頭流血曰還陛下此笏乞歸田里帝大怒命引出武氏從幄後呼曰何不撲殺此獠無忌曰遂良受顧命有罪不加刑會李勣議異武氏立乃左遷遂良潭州都督顯慶二年徙桂州未幾貶愛州刺史歲餘卒年六十三後二歲許敬宗李義府奏長孫無忌逆謀皆遂良驅煽乃削官爵二子彥甫彥冲流愛州殺之帝遺詔聽其家北還神龍中復官爵德宗追贈太尉文宗時詔以遂良五世孫虔爲臨汝尉安南觀察使高駢表遂良客寔愛州二男一孫祔咸通九年詔訪其後護喪歸葬陽翟云

陳南仲潁川人貞元十八年爲武功丞邑人宜之號爲簡靖見武功志

陳真節潁川人開元初爲右拾遺初隱章懷懿德節愍四太子並建陵廟分入署置官列吏卒四時祠官進饗真節以爲非是上言請罷吏卒詔祠官無領屬以應禮典詔有司博議駕部員外郎裴子餘曰四大

子皆先帝冢嗣列聖念懿屬而爲之享誰不曰朕太常博士段同曰隱於上伯祖也服緦章懷伯父也服期懿德節愍堂昆弟也服大功親未盡廟不可廢禮部尚書鄭維忠等二十七人亦附其言於是四陵廟惟減吏卒半它如舊遷太常博士元宗奉昭成皇后附睿宗室又欲肅明皇后并升焉真節奏曰廟必有配一帝一后禮之正也昭成皇后有太妣之德宜升配睿宗肅明皇后旣非子貴宜在別廟於是晉主儀坤廟詔隸太廟毋置官屬真節又與博士蘇獻上言睿宗於孝和弟也兄弟共世昭穆位同則毀二廟天子不得全事七世矣請以中宗爲別廟大禘則合食太祖奉睿宗繼高宗則裸獻永序詔可五年太廟壞天子舍神主太極殿營新廟素服避正寢三日不朝猶幸東都伊闕男子孫平子上書曰此躋二帝之驗也魯文公之二年躋僖於閔上後太室壞春秋書其災陛下未祭孝和先祭太上皇先臣後君昔躋兄弟上今弟先兄祭昔太室壞今太廟毀與春秋正同不可不察武后篡國孝和中興有功今內主別祠不得



列於世亦已薄矣臣謂宜遷孝和還廟帝異其言詔有司復議真節獻與博士馮宗質之曰天子七廟三昭三穆與太祖七父昭子穆兄弟不與焉睿宗不父孝和必上繼高宗者偶室於廟則爲二穆於禮可乎禮所不可而使天子旁紹伯考棄已親正統哉孝和中興別建園寢百世不毀尚可議哉帝語宰相名平子與博士評論博士護前言合軋平子平子援經辨數分明獻等不能屈蘓頲右博士故平子坐貶都城尉朕諸儒以平子孤挺見屈於禮官不平帝亦知其直久不決朕卒不復中宗於廟明年帝將大享明堂真節惡武后所營非古制乃與馮宗上言明堂太微上帝之所武后始以乾元殿改爲撤之日有音如雷庶民譁訕以爲神靈不悅堂成災火隨之願以明堂復爲乾元殿使人識其舊不亦愈乎詔所司詳議刑部尚書王志愔等僉謂明堂壞怪不法天燼之餘不容大享請因舊制還署乾元正寢正至天子御以朝會若大享復寓園卽制曰可真節以壽卒輯畧

陳禹潁川人隨蕭摩訶征討聰敏有智量涉獵經史

解風角兵書頗能屬文使騎射官至王府諮議

宋

田况字元均陽翟人進士及第又舉賢良方正直集賢院上言治邊十四事多見采用仁宗朝累遷翰林侍讀學士樞密副使以太子少傅致仕著好名朋黨二論撰皇佑會計錄六卷田公金叢集兩卷知成都日刊石經公羊傳十二卷石經穀梁傳十二卷卒謚宣簡

田畫字承君陽翟人宣簡公况侄也仕爲校書郎知

河西縣時鄒志完浩教授潁川承君與志完氣節相

激勵元符間哲宗劉賢如與孟后爭寵后廢劉氏立

爲后承君與諸子曰志完不言可以絕交矣一日志

完以書約承君會潁昌中途承君喜甚亟往志完具

言諫廢立后事時某之言戇矣上初不怒也明日章

惇詆其狂妄遂除名勒羈管新州相畱三日臨別志

完出涕承君正色責曰使志完隱默官京師遇寒疾

不汗五日死矣豈獨嶺海之外能死人哉願君無以

此舉自滿士所當爲者未止此也志完茫朕自失歎

曰君之贈我厚矣建中靖國初承君知淮陽軍一日  
小疾不出正寢一軍之人晝見承君擁騎從騰空而  
去就問之死矣淮陽人祀爲土神歸墓三峯山澗上  
丈人陳恬銘其墓

孟通陽翟人以仁厚治武功縣號得體民爲用修繕  
城郭官署學校不刑一人民趨事恐後官至諫議大  
夫

孫甫陽翟人少好學日誦數千言舉進士爲華州推  
官再遷太常博士丞相杜祁公等薦其賢得秘閣校  
理以右正言居諫院好直諫時事多所建明仁宗皆  
深納之後以右司諫知鄧州廉介自守吏民不敢欺  
累官至天章閣待制河北都轉運使嘉祐二年卒於  
家年六十六贈右諫議大夫歐陽文忠公爲誌銘有  
文集七卷著唐史記七十五卷旣卒詔取其書藏於  
秘府

程坦字坦然治春秋三家學淳化三年賜本科及第  
官至國子博士贈太子太師子戡天禧中禮部第進  
士第一累官樞密直學士知瀛州進端明殿學士叅

知政事以鄜延經畧使判延州治不近名卒謚康穆  
崔鷗字德符陽翟人舉進士為均州推官徽宗初立  
以日食求直言鷗上書言司馬光忠言直諒聞於中  
外雖古名臣未能遠過而謂之姦是欺天下也章惇  
狙詐凶險天下士大夫呼曰惇賊豈非忠臣痛憤義  
士不服故名之邪惟聖明辨之乃以為相州教授後  
蔡京籍上書免鷗官久之調績溪令移病居邾城治  
田百畝為婆娑園屏處十餘年人無貴賤尊師之靖  
康中召還積官殿中侍御史徙右正言為文至多尤  
長於詩晁氏謂有唐人風忽得孿疾不能行而卒無  
子其壻衛昂哀集遺文凡三十卷

張克公字介仲潁昌陽翟人起進士大觀中為監察  
御史遷殿中侍御史

曹勛字公顯陽翟人組之子以父恩補承信郎賜進  
士甲科幹當龍德宮靖康末扈從徽宗北狩既渡河  
十餘日徽宗謂勛曰我夢四日並出此中原爭立之  
象不知中原之民尚肯推戴康王否因出御衣絹半  
臂書其領中曰便可即真來救父母又諭勛曰如見

康王第言有清中原之策悉舉而行之毋以我爲念  
康王夫人邢氏亦脫所御金環使內侍持付勛曰幸  
爲我白大王願如此環早相見也勛持御衣書等間  
道走行在建炎二年七月至南京以進高宗高宗泣  
示輔臣勛累官至太尉開府儀同三司卒贈少保所  
著有北狩聞見錄一卷

元

趙宏備字子英甘陵人徙潁川至元十三年元兵攻  
宋宏備以書謁元帥宋都解於軍中竒之俾以兵畧

地至吉州署爲吉州叅佐十五年以功賜金符十七  
年改衡州路總管府治中群盜出沒宏備計地興屯  
民旣足食盜亦爲農郡遂寧謐大德五年起遷浙西  
道肅政廉訪司事鎮江旱蠲民租九萬餘石大風海  
溢潤常江陰等州廬舍多蕩沒民乏食備發廩以賑  
全活者十餘萬遷江南行臺都事十一年江南大饑  
宏備請以贓罪錢賑之民賴以生至大二年名爲內  
臺都事出爲浙東廉訪副使聞郡人許謙得朱熹道  
學之傳延致爲師於是人知向慕未幾擢江南行臺

治書待御史致仕復起爲福建道肅政廉訪使泰定三年卒贈嘉議大夫禮部尚書上輕車都尉追封天水郡侯謚貞獻子思恭追封天水郡侯思敬以處士徵爲教授

識列門姓馮氏陽翟人仕至榮祿大夫徽政使祖有德贈中書右丞父世昌贈平章事其墓在今密縣岐固保有巨碑翰林承旨趙孟頫撰文

趙璉字伯器宏備孫至治元年進士授嵩州判官再調祥符尹入爲國子助教遷湖廣行省左右司郎中

除杭州路總管誅寇盜均徭役陞吏部侍郎歷遷至叅議中書時河南兵起朝廷立淮南北行省於揚州移鎮真州張士誠爲亂陷泰州興化乃命高郵知府李齊招諭之士誠請降行省授以民職使自效移璉鎮泰州璉命士誠治戈船趨濠泗士誠不肯發遂復反璉力疾與賊鬪市衢賊邀至其船璉詰之曰汝輩罪在不赦今旣宥爾又賜以銘乃旣降復反我豈爲汝輩屈乎卽馳騎擊賊賊以槩撞璉墜地昇登其舟璉瞑目大罵死之僕陽兒以身蔽璉亦死

馬光祖字慶祥陽翟人潛心律學補刑部令史大同  
路武州民有重證監州以下同爲不軌者秋官往案  
之公以吏掌其柄白於王者曰此係極刑尤當詳謹  
寧坐已以稽慢之罪不可枉殺以寬其人王者感其  
言而少緩公爲之推寃原委盡得其情杖決而罷衆  
人復得更生延佑初授安豐路總管府知事累遷至  
汝寧府判官

王道衡字子正至大中以明經擢進士第嘗作宣聖  
始終辨惑記刻於湧泉里夫子廟

劉聞政禹州人提舉白沙鎮鐵冶大學士宇之祖也  
野克野烈木兌徹帶部人始河南破見陽翟地可居  
遂買田築室以子鈔兒赤貴追封夷山侯

明

邊珪字廷玉其先汝陽人元末避亂徙居禹洪武初  
年由辟薦擢山西稷山縣尹教養有法甚得牧民之  
體

楊端字公冕洪武中以太學生任陝西延安府通判  
治民有能聲以績最擢戶部郎中累官山東左叅政

見一  
統志

祝銘字自警洪武中鄉試任定州同知廉謹自持擢  
工部員外轉山東叅政

魏清識見過人洪武中以國子生拜監察御史陞四  
川副使永樂宣德中歷山東山西所至有廉能幹濟  
之譽

郜廸字秉仁洪武甲子科鄉試任工部營繕司主事  
擢桂林府知府居官公直敢言不畏強禦京師呼爲  
郜棒子

古朴字文質洪武中舉鄉貢爲太學生奉命清理郡  
縣田賦圖籍丁父喪歸服闋隸五軍斷事司理刑奏  
家貧願仕得祿養母除工部主事迎母就養母沒官  
歸葬服闋改兵部主事陞員外再陞郎中遂陞兵部  
右侍郎永樂中轉左侍郎賜文綺一襲帝巡狩北京  
侍太子監國權禮兵二部及詹事府洪熙中改通政  
使陞戶部尚書追封三代遂謁告歸省墓賜鈔襲衣  
公事親孝非其義一毫不苟取公退清坐一室書冊  
自娛嘗病楊士奇往問之入其齋室几案間獨有自



警篇一帙可以觀其所存矣卒士竒撰神道碑

劉綱字文紀由進士初知府谷縣政教並舉頌聲大作陞寧州知州乃因俗爲治不拘繩墨民翕然樂之簡兵練武百廢俱舉凡三丁內外艱民詣闕乞番詔允復任賜勅旌勸蒞寧前後幾四十年賜四品服自引致仕寧州舊有六君子祠祀狄梁公等後改名七君子祠致祀焉

李通字彥達永樂初以懷才抱德舉爲貴池縣知縣有聲後以嫡孫承重家居不起民懷德政爲樹去思

碑見谿田馬  
理撰志

劉溥字至公辛酉領鄉薦任浙江台州府通判政務大體不拘小節初若不合於時積久咸服其德比歸笥篋惟圖籍詩卷卒以清謹見稱

徐純字守一甘貧好學尤敦孝道以明經選入太學歷任潛江太原知縣所至節用愛民綽有惠政致仕歸構書樓一間坐卧其上玩易讀書對景吟咏老而不倦嘗因親病詣城隍廟禱祀時門未啟廟祝王連夢神促之曰徐大尹至驚而啟門公果在焉年八十

五卒

蔣瑄字文璽性沉靜尤喜集書少時日記萬言甲戌登進士任戶工二部主事陞屯田司郎中皆有聲出補四川左叅議以親老解官歸遂不復起士大夫皆服其高

馮文升字負圖號約齋生而聰慧讀書卽了大義丁卯領鄉薦辛未登進士第初授監察御史巡按山西湖廣所至有聲陞福建按察司以法繩中官陞南大理寺卿丁內艱服未闋值固原滿四倡亂起爲右副

都御史會兵討平賜勅獎勞陞左副都御史時巨盜李胡子等聚衆劫掠以計剪除鐵烈孫入寇進兵生擒遂陳時政十五事及防禦三策尋節制三邊勦寇有功賜以白金文綺又平岷州叛逆詔爲兵部右侍郎適東陞有警制五花營八陣圖復上防禦十五事陞左侍郎奉詔招撫建州黑鎖忒等二百餘人因忤中官汪直謫戍重慶直敗詔復其官爲左副都巡撫遼東陞右都御史督理漕運陞兵部尚書貴州都勻黑苗弗靖守臣請兵不從改南兵部叅贊機務弘治

元年陞爲左都御史掌院事召對文華殿賜織金衣一襲極其倚重二月耕籍田奏行九推禮三月從幸太學賜賚甚厚上言十五事未幾改兵部尚書提督京營京師大雨䟽時政得失十事以弭災變安南侵占城國諭以禍福還其侵地丁繼母憂起復視事貴州苗叛公議遣鎮遠侯顧溥授以方畧討平之自是加太子太保乞休上慰留之上䟽論輔皇太子加太子太傅建議清寧宮災賜蟒衣白金以次子琇爲錦衣衛百戶火節犯大同京師震駭仁至便殿咨以戰

守因陳策以待刻期果遁轉吏部尚書進少師兼太子太師諸司朝覲大彰黜陟歷官五十餘年會所推總制兩廣者不樂於外乃嗾御史劾公遂求去封章累上前後二十餘䟽蒙賜宴璽書褒美比歸屏居三峰山董村之別墅更號三峰居士足跡不至城市享年八十有五公性介特寡言笑不尚華侈望之知爲異人居官重名節礪廉隅雖位極人臣名聞中外退然若不敢自居至於值事變臨利害屹然如山不可搖奪議者謂忠鯁如汲長孺勲名如郭汾陽相業可

比韓稚圭范希文殆非過也有約齋集及奏議三事  
記行於世卒贈太師謚端肅賜葬於城北二十里具  
茨山之原

馬文麟字見圖端肅之從學仲兄也由歲貢

授山西河津知

縣歷江浦

知縣政聲大著未三年丁母憂服闋補江陰民

謠曰可惜洛陽川上月不照江浦照江陰甫三年當  
道累有薦揚行取京師至臨清疾故行李蕭然聞者  
莫不稱嘆提學石公作墓誌以志之

連祥字天錫中天順己卯鄉試成化初任山陽縣尹  
平易近民卓有政聲丁內艱哀依墓所不履城市者  
三年時有赤白兔出沒墓傍學士李西涯爲作孝感  
記以志之補尹齊河三年慈惠小民一錢不取時中  
官汪直遍緝貪官公以清廉獲免縣東運河衝決爲  
患築堤栽柳卒免滄沒至今猶有連公堤之稱

王定字靜之中天順壬午鄉試初任順天府豐潤縣  
知縣均市鬻禁民奢首誅不孝屈服豪強作興學校  
撫綏黎庶尋陞開州同知以致仕歸豐潤士民思慕

祀爲名宦第一

見豐潤縣志

董敬字克恭世爲禹州人成化中卒業成均初任陝西宜山縣丞委署延川縣事時西安郡邑輸運邊儲憚於險阻敬自韓城抵延川開坦途八百餘里輓輸者咸稱其便又代領延川築邊底績撫按奏聞賜白金彩緞以勞之遂遷通渭知縣增燧臺置堡洞通渭恃以無恐致仕卒副使伍福換功德碑

劉宇字至大綱之孫也丰采雄偉登壬辰進士初授上海知縣擢廣東道御史陞端州府知府廣東副使山東按察使陞右僉都御史巡撫大同等籌邊多策招商給餉調用不乏尋陞右都御史總制宣大山西等處累有金幣之賜公之撫大同所上不下百餘疏集爲十冊曰雲中奏議官至吏兵二部尚書少傅兼太子太傅文淵閣大學士

安永達世爲禹州人成化十二年貢士初授旗手衛經歷以賢能陞肥鄉縣尹抑豪右疏冤滯興水利築堤防開荒蕪湖泊二百餘頃奏耕三年後方起科時漳河泛漲漂民廬舍城不浸者三四版閣城危懼公登城泣禱浪頭有物形如黑獸隨水東下須臾水退

城賴以安民立祠祀之有去思碑存焉

徐永字昌齡前太守明善之孫也聰穎異常少時有司試之以爲神童十九歲登進士由工部主事轉兵部員外郎陞山東右叅議所至有聲譽進階副使致仕高卧東崗不入城市垂二十年晚歲工意詩文所著有東岡集

李昇字翔漢倜儻有大志少家貧刻苦讀書弘治辛酉魁河南初知新安縣除河患弭盜賊值歲大饑開倉賑民官穀匱設法給之活者千餘戶後陞東平守置善惡牌各一擇其賢不肖之尤者書之以示勸戒後以峭直改知石州陞肅府左長史致仕歸行李蕭然弟晃割田五十畝給之日惟詩文自娛雖極淡泊處之晏如一郡皆知爲清白吏

党玫字文潤性淳篤事父母備竭孝養舉動有古人風苦志極力好學不倦貢禮部授陝西洛川訓導嚴立條約士習丕變擢易州學正歸

劉堅宏治辛酉舉人鄉薦後力耕以自給庄前有巨桑每銅牛待耕則坐桑下石上呶唔不少輟初授山

高州志  
陰令調山東單縣刻勵清節歷俸數年積俸僅易一  
羸馬致仕歸以得馬爲嫌每徒行焉郡守盧陵劉公  
魁學出陽明之門少許可獨重其人於其歿也爲之  
志墓

任洛字仲伊號西溪庚午魁河南明年登進士初尹  
桐鄉守已愛民邑人爲立去思碑選監察御史臨事  
敢言按陝西南北直隸摧抑權倖風采瑩立陞霸州  
兵備副使平巨盜楊恭等蒙賞改甘肅歷陝西叅政  
按察使陝西左右布政使巡撫僉都御史所至以廉  
能稱遼東軍叛執辱撫臣命公往撫之擒獲首惡餘  
黨悉平陞陝西巡撫副都御史戶部左侍郎時北使  
求貢名諸大臣廷議不合卽引退屏居於順鎮之別  
墅詳見三省奏議

王尚志字於道定之子也領庚午鄉薦授博野令與  
利除害士庶咸服值歲凶荒民賴全活者甚衆當道  
薦揚以考最陞平涼府判民涕泣不忍別公以勤事  
卒於官襯歸之日囊無餘貲惟圖書數卷而已晴川  
劉公爲謨誌弟尚聘字任宇雖從兄學舉子業而絕

意仕進卜築西郭栽花種竹人世榮辱絕口不道至老未見有愁色年八十一卒人稱爲隱君子

馬紀字直卿中庚午鄉試丁丑登進士知雄縣民慕其德爲立去思碑祀名宦祠擢山東道御史清軍湖廣指揮甘於海撥直親王劾罪遠遣官生王子道倚勢凌人以置之法民賴以安按四川不畏強禦人以包老稱之復命爲京畿道御史忤銓曹意陞九江知府減革商稅禁淹女子陞岷州兵備副使土番不時侵擾慎固封守中外寧謐丁母憂守制如禮居鄉捐

助婚喪施置義墳人多感之服闋陞浙江右叅政卒  
子官

張鯤字子魚中丙子鄉試連登進士王文莊識爲備噐授吏部稽勲司主事驗封司員外郎調考功司議大禮杖擊濱死直氣不屈工詩文與三原馬理一時名達共稱八俊以直言忤時出補湖廣右叅議陞按察使副使尋改四川提學刊二業並學古編四禮圖諸書以傳世集名雋於書院造就甚多陞湖廣左叅政復以提學考貢例謫山東添註副使仍攝提學河



道臨清兵備後陞江南右布政使慨然疏歸講學輞  
山一時從遊甚衆所著有東山集崧少漫稿

魏尚綸字仲一中辛卯亞元戊戌進士尹魏縣興學  
造士節用惠民行取刑科給事中陞兵科直言極諫  
不避權幸出知楊州府民洽其惠尋陞朔州兵備副  
使致仕歸惟明農賦詩數年乃卒

李乘雲字子雨事親孝處諸弟友愛十二能文升郡  
庠領辛酉鄉薦壬辰進士授行人選山東道御史直  
聲動中外以九廟災謫太倉州判尋陞蒲州知州平

陽知府抑強藩革積弊政績懋著陞霸州兵備副使  
俺答入犯捍禦有功擢陝西右叅政以疾致仕卒公  
同懷七人三登甲科時人擬之河東三鳳所著有鳩

### 鳴集

李登雲字子漸乘雲之弟也甲午鄉薦聯捷進士授  
大理寺評事奉詔修律令陞通政司叅議轉左右通  
政通政使陞工部左侍郎督大工加一品服色食從  
二品俸歸田居八里營蔬食布衣儉約終身雖位聯  
台座未嘗無淡泊自明之意卒贈工部尚書諭祭賜

墓郡北潁溪原

李凌雲字子鵬乘雲之弟也爲文雄渾雅健尤精於詩辭與兄登雲同中鄉試登戊戌進士授兵部主事歷員外郎中陞重慶知府教化大行民甚德之立去思碑陞湖廣兵備副使丁內艱補天津兵備陞山西右叅政進表卒於家所著有宦遊稿

王嘉孝字體魯年五十二中庚子鄉試連登進士授兗州府推官辨雪冤獄陞南兵部主事歷員外郎中襄陽知府清操美政綽有聲譽年七十致仕卒門人服心喪者幾百人

馬斯臧字遠謀以禮經魁鄉試中庚戌進士任三原知縣有政聲行取御史巡按南直隸禦倭有功旨晉京缺陞順天府丞出爲山西布政司叅議卒

郭學書字道伯博極經史戊子領鄉薦從郡守劉晴川公講陽明之學任安平河間二縣行取戶部主事陞寶慶知府陝西行太僕少卿致仕置義田贍宗族鄉評義重之

魏尚純字叔誠與兄尚綸同舉鄉試連登進士官至

南工部尚書致仕以清廉名操履嚴方細行必謹年六十卒家無餘財所遺止第宅一區差官賜祭葬如制有唐詩抄文集藏於家

党以平字守衡致之子也年十四穎悟絕人甲戌進士性謙厚恭恕官至右副都御史別歷內外邊功尤多每與宦官不和又觸忤權貴年未五十告歸遂絕意仕進卒年八十有三諭祭有鄉稱人瑞國爲典型之語

董世彥字子才號嵩河丙午方弱冠舉鄉試登癸丑進士授濬縣令有愷悌名陞戶部主事員外郎中尋擢憲臬藩叅左右方伯所至卓有偉績陞都察院右副都御史巡撫陝西時值下沙麻弗靖公勒兵擣其巢斬獲甚多修理邊牆千餘里敵臺墩堡三百六十餘座招撫生熟番七十一族前後六賜白金彩緞陞兵部右侍郎總督三邊軍務俺荅率衆赴西海迎佛經庵至甘肅地方公躬率士馬兼程直抵臯蘭爲隄防計回鎮一日而卒諭祭賜葬於卧龍岡之原所著有嵩河詩草及脫楚集行於世

李嘉祿字應吉素履狷介居郡庠以明經授學及門者多取科第登癸卯鄉薦三尹巨縣所至以清謹見稱陞判西安府職專糧政斂輸得法公私咸賴以直道忤世退居潁野明農課子終身蕭然如寒士

劉峨字仰蕪號中岡古文詞擅名一時萬歷癸酉貢元爲平原訓導轉清豐教諭兩署劇邑皆有惠政善造士清豐庠士朱冠者公所首拔登甲科爲顯宦恒深感之陞潞安教授造士一如清豐時得庠士吉人貧士也授經書資以飲食衣襦後登甲科爲御史感之終身公沒後每歲通問其家在潞時藩王并詔命司聘其文者無虛日有中崗文集藏於家以子調羨貴贈御史舉祀鄉賢

尹樂舜字耕夫同兄樂堯登甲午鄉試丰姿淑秀望之瑩然初任開州學正陞國子監助教翰林待詔加禮部主事侍青宮講讀太子手書經幄効勤四字賜之積十二年陞光祿少卿出補四川按察司副使卒後官一子中書舍人

連標字孟準格之弟壬午癸未聯捷授行人選山東

道御史上書立太子救曹學程幾犯不測巡按宣大兼學政刊布書籍作養士類計擒礦盜張守清按畿南郭幕枉殺驛卒感異夢為抵其罪人稱神明權貴相戒毋犯按山東首劾武定守墨吏望風解綬修孔廟立萬古長春坊術士張玄陽妖言惑衆不徇請託立寘於法大豪事覺有自盡者推掌河南道中州人得與斯任自公始也陞順天府丞給假治兄喪補太僕少卿陞正卿戶部借馬價銀堅執不與覃恩贈祖考廕一子陞右副都御史巡撫宣府修邊墻千餘里墩臺若干座捐俸置義田義學以贍族在任二年餘以勞瘁成疾卒諭祭賜葬於登封縣之告成鎮閱歲論功追贈右都御史廕一子著有歷遊草若干卷陳經濟號鴻宇庚辰進士為咸寧令補猗氏生平孤介寡言笑解州民負守之力移修解池工苦猗民公以去就爭之陞戶部主事歷員外郎中嚴州知府調繁湖州大計舉卓異陞浙江副使湖廣叅政忤時論歸日惟與內子趙淑人賡和詩句雖集成帙然無一語及褻其正大皆類此補四川僉事陞副使卒

王述古字信甫己丑進士授富陽令調繁崇德陞戶部主事內艱服闋補刑部陞湖廣司員外會妖書事下所司詞連大臣王世楊等荆門州里居同知胡化病狂走燕邸誣其守阮爲嚴衛所緝乃借陷大學士沈鯉禮部侍郎郭正域等時四明柄國咸以爲稟其旨公力白化寃大司寇以爲不可少司寇更出危言激之公不爲動竟不入數公於獄但坐曠生光卒得旨依擬者碩溫純鄭繼之皆敬服之出知常州府勵清撻公考校孤寒皆得振拔兩舉卓異太宰孫公不揚徃拜其門陞陽和兵備副使按察使贊成封貢加山西右布政使卒著律歷詩兵筌四書屑考皆有成書

董九叙字康衢少孤貧與弟九貢刻苦讀書言動不苟望之肅然起敬性介特非義不妄取登壬午鄉薦愛誦古文詞通鑑長編詳加點竄選其字句之美者抄錄成帙子侄在童穉皆教讀小學令放而行之峭直不容人過宗族有負租當隸卒者擯之不與宗盟族人皆化之前太守馬公題其門曰孝廉忠義益寔

錄也任西鄉令甫閱月丁內艱服闋補汧陽催科撫  
字並行以勞成疾卒歸裝僅圖書數卷無厚產二子  
依仲父成立

馬懋字慎卿癸未進士闈中牘爲世傳誦授臨淄令  
修學興士邢子愿爲之記路生甲橫里中公寘之法  
一縣肅然丁外艱端肅公塋爲後人所毀言於按君  
修復之服闋補壽光未幾陞戶部主事爲當道所傷  
調尹寧津復陞前官權關清源釐葦駟僧商得不困  
忤時罷歸修學宮葺頽橋費凡幾百緡合良藥廣施  
愈竒疾甚多有生怒罵於門絕不與校好蓄古人書  
玩巨公過禹觀之不厭海內名人韻士皆與交遊當  
道將以人才薦力止之衆服其高年七十餘卒

董九貢字君需號夏衢九叙弟與兄篤志向學弱冠  
中已知鄉試嗜古文詞甘淡薄苦精研歷十六載登  
乙未進士任戶部主事司庾臨清葦牙儉禁侵冒庾  
得以盈歷陞郎中丁內艱起復大司農趙南渚知其  
廉幹題以添註管崇文門稅公一無所染且痛懲積  
弊稅竟及額題再管滿補原職先後在部十二年陞

山西叅政巡冀南道時太平無事公惟鎮以廉靜吏習而民安之將考績以病免日惟讀書吟詩有以誤述求者欣然命筆課諸子嚴季子學益以解元登第年七十餘卒著有文集藏於家

陳所職字觀墀萬歷丙戌會試第六人初任刑部主政性廉潔有清捺人服其介然喜敦友誼一時名無不與之遊人又服其通歷陞陝西按察司叅政軍咸寧執法不少阿有衛弁某以罪當奪其先世黃者因鑽美珠珍寶求公為之地公峻拒之弁因轉

求撫軍以囑公公不為之動撫軍郵之已而元旦公坐堂上忽呼劍手持桌案上含笑端然而逝人咸異之撫軍檢所註贖鍰冊僅登銀二兩有餘乃大悔以為失人因經紀其喪仍遣官校護之歸里里中先哲宦遊者多勵清節而公尤為稱首云

王則古字繼則癸丑進士授雒縣命興學恤民政績甚偉調繁寶坻民為立祠樹去思碑性剛果每與時忤左遷江西藩司幕以才望起濟南府推官陞大理評事遷兵部主事力薦馬世龍為遼將當道疾其齷



中以察典起工部主事調兵部時魏璫專政指東林為邪黨公從趙南星遊株連削奪魏璫敗起南禮部主事歷員外郎中陞大同知府以才幹移冀北道叅議與鎮守總監不協致仕歸

劉調羹字仲濟壬戌進士授豐縣令清謹愛民尤喜作士豐人立祠祀之擢御史巡中城值己巳之變奉命協守德勝門日夜嚴核守禦罔懈叙勞加服俸一級巡光祿節省七百餘金奉旨紀錄巡福建計殲巨寇鍾凌秀劉香仔等敗其黨贖鏹除解京外餘伍千兩悉糴穀備賑中丞某公因官評相激致省民之譁公為開諭皆俯首聽命曰劉公生我遂有北人不愛錢之謠復命過家囊無長物卒詔頒金恤之

郡祀鄉賢豐祀

名宦

余爵字天有戊辰進士授撫寧令長才卧理百姓安堵發康吏偽印之奸一邑畏若神明登萊兵過縣夜謀公折其狂鋒卒致無虞改修孔廟諸生遂有中試者丁艱歸民為肖像勒石服闋補章邱令却公用路費三千六百餘金搜剔奸吏私派四千餘金委淨東

岳殿香稅及金銀童男按數登冊一無所取陞兵部  
職方主事遷員外以病免樞輔楊公薦覈兵餉楊公  
殂本兵薦監襄陽諸帥軍救汴出督師於圍中次年  
再監軍救汴師次朱仙鎮李自成率衆夜砍其營公  
擐甲執兵與戰不利爲其所殺瀕死罵賊不絕贈太  
僕卿謚忠莊賜祭葬建祠思廕兄子敦華從見監軍  
被劊挺身往救並遇害詔復其家

撫寧宦蹟詳  
永平府志

董學益字伯虞叅藩九貢季子少慧讀書過目成誦  
年十歲諸父飲課之破題題以月卽應聲曰盈虛者

如彼而卒莫消長也諸父竒之承庭訓博極群書弱  
冠積詩成帙自題曰巴人編中辛酉鄉試首額壬戌  
登進士第觀大理寺政卒於京邸公性恬靜不妄發  
一語每讌飲未嘗與人狎自發解抵登第青袍之外  
未製一新衣雖遵嚴訓亦天性然也視歸里人莫不  
垂涕

程一傑字卓菴性孤介言信行果生平未嘗一語及  
褻凡大義所關直任不避督修文廟効力獨多少與  
兄一才齊名兄登己卯賢書公領歲薦選陝州訓導

勤課諸生貧者槩却其餽陞山東利津諭造士有方陞陝西蘭州衛授辭不赴任鄉評推重五與賓筵卒年八十有六

楊蕙字德齋性至孝甘貧好學中萬歷戊子鄉試知陝西石泉縣廉介自持不畏強禦以整頓風俗興廢修墜爲已任有豪棍數人持令短長暴橫境內前官殊畏之蕙下車卽發其狀置於法一縣肅清學校傾圯捐俸一新歲旱禱城隍廟二宿果大雨竊盜初犯者薄責示警仍爲籌其生計未幾盜風止息去任後石泉祀人名宦本郡入祀鄉賢

國朝

程宗濂字象周教諭一傑子剛正不阿有父風下帷攻苦終身不少輟授徒百餘人多所成就順治戊子貢成均秋闈復中副車考授通判改南昌幕上臺稔其才凡巡檄署篆轉餉諸務皆屬之所在有實政陞北城兵馬司指揮廉直不受囑托奸猾屏跡時總憲環溪魏公巡城事少許可每重公之操引年告歸家居十餘載進諸弟子談經課藝如舊數舉賓飲壽八

十八卒

劉延祐字受之侍御調羨子幼力學性恬靜寡營不爲純綺之習常徒步里中人不知其爲貴介蚤年喪偶傍無妾媵終身不再娶授新蔡司訓修學舍課文藝其特授士多有登科第者巡臺欲列薦劾公力辭再補鞏縣振興文教如在蔡時其訓士尤以敦行誼爲先撫軍旌節至鞏深加獎詡年六旬卽投告歸諸生詣府苦留不得爲之立碑頌其學政里居二十餘載凡世事不與鄉黨咸服其德三舉飲賓累辭壽八十七卒嵩陽逸菴耿太史誌其墓

趙來鳴字開先訓導日躋子弱冠能文順治丙戌成進士授江南舒城令時東南初定舒無城垣到任始修築工未竣值鄰封寇擾路經舒以公清廉戒勿犯爲政鋤強扶弱省刑息事暇則進諸生講論課業僅半載百廢俱興有趙青天之稱母老歸里以詩文爲娛郡舊志出其手纂所著有錦囊集中州集交遊集藏於家卒年六十八

張璠字藍生總角入黌序以順治戊子拔貢廷試一

等選授浙江金華府通判值閩中軍興督運糧草軍需充裕浙中歲屢荒東陽義烏山民據險作亂軍門委監臨勦撫叅贊軍機屢戰告捷遂困土逆於山逆屬潛出探聽公得其踪跡密遣官捕其黨四十餘人宣示恩威遣令歸巢其魁何德成等遂率衆降乃請釋脅從使得自效陞粵西梧州府同知委署桂林府推官剛介自矢平反大獄無算復全活苗彞五百餘人再署南寧府篆有土司趙廷楠兄弟爭襲事下本府每赴審廷楠挾兵自重其弟廷梁復挾交趾土目

兵讖者則又檄城守兵以自衛歷數官不能定公至曰此何言審是交相鬪也乃撤護衛據公座令二人匍匐以入斥言折之俯首心服辛丑卓異癸卯考滿一等丁內艱歸服闋補湖廣常德府同知尋陞武昌府知府武昌兵民雜處風俗剽悍獄訟煩興奸僞百出公絕苞苴嚴法令豪蠹靡不斂跡黃鶴樓據郡城之勝燬於火捐俸修復時名流李笠翁毛稚黃游寓鄂渚暇則與之觴咏其上昔時治郡者日不暇給公優然有餘閑也以外艱歸遂無意出山屏居於三峯

南之范村足不入城往來戚友家惟一僕從依然常  
布風又十餘年以疾卒公資性聰穎誦讀一過不忘  
歷官二十年凡審讞悉手自削牘人咸比之劉穆之  
云

劉湛字東里號黍山訓導延祐子博學能文熟於掌  
故以恩貢授湖廣辰州府通判初至任府僚空無人  
獨任郡治殫力經畫不避勞勩辰人德之以親老致  
仕歸居父喪三年不啜葷酒更肆力左史及詩古文  
聘修河南通志當事諸典禮未諳悉以諮公得一言  
爲定一時碑版誌銘多出其手四方求文者無虛日  
所著有酌古堂彙稿卒年七十八鄉謚曰介和柘城  
竇太史作傳中牟冉太史誌墓

桂竒字鳳林幼年好學儀容瑰偉勇畧過人值明末  
烽烟四起慨然曰丈夫立功名耳必掇高科哉遂棄  
舉業杖策從戎甘肅提督張公見而竒之晉帳下順  
治十三年隨師湖南著功績補本標左司康熙乙卯  
盜起臨蘭所在蜂擁蠃屯公率兵討平之補甘肅提  
標守備丙辰賊圍鞏昌公擊退之馬塢鎮樂門犁川

皆爲盜藪率據險負固公相度機宜先後進勦斬首  
數千級獲其旗幟軍器無算鞏昌賊又起公戮力決  
戰殺賊盈壕鞏昌以寧張公上其狀陞授叅將尋陞  
汝寧副將值湖廣叛兵猖獗公奉檄往勦直搗其穴  
不旬日而定其御士卒部伍森嚴而恤其勞苦故能  
所向有功署懷慶總戎卒於官年五十六

王福字千鍾順治戊戌科武進士體貌偉岸器度彬  
雅初釋褐值海氛未靖有事於東南因効力兵部以  
勞績授龍門衛所守備兵民并轄公以武弁勸課農

桑嚴查保甲境內肅然陞授壽張營都司壽張爲山  
東要害左梁山右榆園多萑苻之警蒞任後戎政明  
肅息威並著一時嘯聚之徒投戈焉暇則濬池種蓮  
築堤栽柳集僚友飲會有雅歌投壺之風以疾卒

余受字天錫天性醇朴十五補弟子員明季避難金  
陵國初旋里見紳士墳墓有被劫者率家人封之由  
歲貢任昨城訓導昨庠自明季以來宮墻茂草受倡  
義更新之凡十年致仕歸紳士爲立去思碑叅議韓  
公俊傑贈以文有紹鄒魯而闡宗風之語家居十年

州守胡公禮爲鄉飲大賓年八十卒

趙士毅字修遠歲貢允升子少年讀書日以寸爲度年十八舉於鄉沉靜簡默任廣西柳城令旋丁外艱歸補湖廣鄖西令鄖在萬山之中單騎赴任以簡易治之民有事判於榻前如家人癸酉分校秋闈暑中行千餘里疾遂作撤闈歸鄖遂不起年五十七鄖民罷市三日囊無長物僚友捐金歸其喪鄖民老幼哭送百餘里爲立遺愛碑

趙經字仲常父士亨廩生幼聰俊重然諾尚義氣弱冠補弟子員食餼雍正八年行保舉法制府以人才薦試用山左署青州高苑縣廉介持躬強毅任事值建青州滿洲城撥運木車千輛適歲荒毅然以去就爭遂得免止出四十輛縣南有小清河數有水患高苑長山兩縣民各訴於官公當會勘郡守議令增高舊堤數尺以障水公執論兩縣皆朝廷百姓吾高堤則彼民受害安忍爲之制府卒如公議輿論悅服會鄒城諸縣蝗作奉檄協捕伏日炎暑不辭勞瘁疾作乞歸卒



楊居午字中天康熙丁酉舉人觀政戶部授浙江紹興府新昌縣知縣留心民隱以興利除害爲已任縣東有溪可灌田舊設孝行碣久壞捐金修復之嵯縣界有湖兩縣民爭水構訟久不決爲之三七分水定例立石民各稱便縣水通台州百貨叢集惟鉄筏利重例無官稅而私有陋規力爲禁革治居山僻無驛跼舊設均平夫以應差徭間僱鄉民支應民甚苦之公悉除免給發工食民新墾河灘地不堪認糧聽其便不爲起科他一切事凡有關民間利害者雖纖細必盡力焉縣民余成遠以貧窘謀嫁其婦已與人合券昧爽出城爲門者覺發公賞銀八兩令其團聚乾隆十年夏縣境大旱公拜禱于天姥山步行六十餘里大雨三日十一年八月石鼓堂災時疫癘大行公方卧病力疾出救向火拜甫畢火旋息其誠感神明有如此然公竟以疫疾而歿公性謹厚不逆人詐素行孝友早年登賢書事其長兄如嚴父蒞官以德化民不尚赫赫名任縣僅二載餘以勞卒官未克有成人咸惜之



